



21600

kat.komp.

III

Mag. St. Dr.

P

Leccyński Jęb. Joan: Ludi solennes —

PANEG. & VITAE
Polon. Pol.

1/36

LVDI SOLENNES
INCLITO HONORI
ILLVSTRISSIMI & EXCELLEN-
TISSIMI DOMINI
D. MARTINI
IN ZAMOSCIE
ZAMOYSKI
PALATINI LVBLINENSIS
BELZENSIS, PLOSKIROVIENSIS, &c. &c.
CAPITANEI.

Circa faustissimum dicti Palatinatus ingressum,
Per Alumnam & Clientem Vniuersitatem Zamoscen:

Operâ

*M. Sebastiani Ioannis LESCZYNSKI Phil: Doct: Flo-
quentiæ ibidem Ordinarij Professoris, Canonici Zamoscen:
Parochi Wieloncen:*


EXHIBITI.

Anno ludentis in Virgineo gremio Sapientiæ.

M. DC. LXXX II. 16. Decembris




21.600 III



PRÆLVDIVM.

Favete linguis: scena panditur grandis.
Non fabularum baiulos vetustarum
Fastidiosus suscitamus Orchestris.
Non hic Tragedus eiulat cothurnatus,
Atreïq; mensis execratur infandas
Horrens Thyestes: non furentis Alcida
Nisus ferocis proritat senex orbis.
Priamiq; coniunx hostium incitans iras
Finit canino dira verba latratu.
Procacium nec conciens cacinorum
Distortus humili prodit Æsopus socco.
Ducisq; Plauti Sosiam, togatorum
Rident catervæ: Pseudoliq; fallacis
Elusus astu, Ballio Histricus plorat.
Geminumq; Casina excipit procum pugno.
Sed grata Magni gloriam PALATINI
Thalia pandens, Gentis inclytæ flori
Monstrare gestit: quæcûq; complet immensum
Orbem Polonum, gratijs trophæisq;
ZAMOSCIARVM gloriam Sarisarum, hæc
Aulea celant: euge Lechici Martis
Invicta proles! Patriæ Camillorum
Cætus: quietis arbitriq; Bellinæ,
Oracula Consi, Stemmata vetustorum
Propago, spesq;: lusibus Camænarum
Nostri favete Dramatis: benignisq;
Fulgete radijs, sidera Orbis Arctoi!
Sic vos micanti gloria inferat Cælo,
Et faustitatum Etesie in dies asslent,
Certantibmq; personent choris Muse.



LVDORVM SOLENNIVM

SCENA.

Remitte aliquantum severa pacis studia,
Lechiæ Arcopagus Lublinum.

*A litigijs ad Ludios nonnunquam diversio est.
à serijs, ad serias.*

Iustitiæ solium, lætitiæ theatri locum mutuctur.

Argumentum Scenæ esto

Sarmaticarum Urbium nobile Symposium,

ZAMOSCIANO Honori adornatum

cuius Tu Architriclina & Præses.

Inter lautitias, multiplici mensam venatione instruens

Prima suum Primatem celebrat, Urbium Princeps,

Sarmatiæ nidus GNESNA.

Sacras ZDISLAI sanctiones, antiquas nec antiquatas,

Sacrario suo asservans.

Ecclesiæ Polonæ primus hic Solon, & Lycurgus,

Hastis Gentilitijs, Domum DEI suffulcit.

Et quia Insulata hæc Scena est;

certatim PŁOCIA THOMAM, CRACOVIA FLORIANVM, CHEŁMA GEOR-

GIVM, PREMISLIA BAPTISTAM,

suos Antistites congeminant:

Prisca & nova SARIANÆ Domûs cimelia.

At opulenta Cereris dona inferens POSNANIA,

IOANNE Mareschalco præeunte.

Vberem securitatis quondâ suæ messem, attribuit PEREGRINO,

Poloniæ Maioris Generali.

Sub quo exactis malis, pax prius peregrina, mox inquilina,
suis turribus dedit abundantiam.

Extremis mensis Pomonæ delicias inferens

Capua Trionis Sendomiria,

PETRI & THOMÆ Castellanorum, IOANNIS Palatini memoriā

Florum fructuumq; grandine perpluit.

Affurgit tandem turrito vertice Maiestatem spirans

Magna Urbium Mater CRACOVIA.

Auro argentoq; nativis, multiferæ succum viciniæ propinat,

Divæ ZAMOSCIORVM memoriæ.

Summis Præsidibus suis, imò præsidij

THOMÆ tranquillitatem acceptam referens,

vitam, & libertatem, MAGNO IOANNI.

Plura memoraturam, Martius excepit fragor,

Roxolanarum Urbium deliciæ simul ac vindiciæ,

mortis instrumenta, in vitæ auspiciū explodens.

Non alia q'vippe pugnacissimæ genti hilaritas est,

q'vām belli aut simulacrum, aut res.

Si quando tamen tormentorum tonitrua intermittunt,

Applaudit LEOPOLIS VENCESLAO, CHEIMA STA-

NISLAO & IOANNI, CZERNIECHOVIA ZDISLAO,

KHIOVIA STEPHANO.

Hæc Scenæ facies.

Plaudite.

Dicturus eras Rosci: sed serò

Ito, & siparium adducito

LVDORVM SOLENNIVM

A R E N A.

Fruimini iam Sole vestro Illustres Vmbrae

scitè fabulam egistis.

Detractâ mortalitatis personâ, virtutum laticlavio insignes,

Posteritum

W

Posterorum vos præesse certaminibus iussit,

Magnus Orbis Choragus.

Nemo æqvior Vobis arbiter,

qui toties Patriam oleâ coronastis, & apio.

Asperam sâne mortalitatis sortem,

Herculeo ritu ordiri labores á cunabulis.

Vix firmare docti vestigia,

fatali instratum arenâ intramus in Gymnasium:

siue intrudimur.

Ipso in vestibulo alteruter excipit luctator,

egestas aut voluptas.

dolosus vterq;

Antagonistam aut supplantando, aut elevando, affligit.

Geminam hanc syrtim paucis prætervehi datur:

nauclerorum vel inopiâ vel incuriâ.

Mox robustior adversarius offert pancratiûm:

nunquam sine sudore, raro sine sanguine vincendus.

Nomen ne quæras,

varium & multiplex malum est:

nec aliud quàm malum.

Postremum cum saltatrice Fortuna discrimen:

persequenti iuxta ac retinenti ambiguum.

Hæc fallacis Protei æmula,

cito arridens, infida; sero veniens, intempestiva:

abiens semper intempesta.

Illam si non assequaris, iacendum est: si malè tenueris, cadendum.

Triplicem hanc arenam, magnis Magistris, & spectato-

ribus, feliciter emensus es ac fortiter,

ILLVSTRISSIMÆ PALATINÆ.

Gemino ex luctatore,

alterum Natalium splendor, alterum Virtus submovit.

Magnis debitas certaminibus vires

Palladij nostri primùm oleis firmâsti.

B

Vernanti

Coramulo, novi honoris, Perillustri et Admodum Reverendo Dno &
Skotonsky Scholastico Lublinerji Curato Leopoldensi
cum auspiciis ad Gedeonem Rodlensem Dispensatorem
roducere ab Andrea Skotonsky submisserimus
penam ergo oblata.

*Vernanti Musarum Lycæo, ver iuuentæ inaniter absumi,
Bovis vox, non hominis.*

Stoæ porticus Tibi obitas non obiter,
magnum insigni ex facundia documentum:
maius ex prudentia:
ex affectu in literas maximum.

Pancratiû certamen gravius, sed illustriori coronâ
animosè absolvisti.

nisi quòd non solus:

nempe amplo Virtutum cinctus satellitio.

Quidquid aut in Cælum os, aut in Patriam manus posuit,
Hostis loco habens

hæc fugando, illa fugiendo,

utrinq; victor redijsti.

Saliarès Fortunæ ludos, Tua elusit Constantia, Virtus elisit.

Dolosi Numinis congressû non aspernatus,
ubi semel duxisti in triumphum,

Moderationi numis & pedicis impediendum tradidisti.

Unica hæc cohibendæ volucris Deæ carvea.

Talem Te triplici ex certamine victorem,
Iæto Pæanè Iudicium agmen consalutat.

~~~~~  
LVDORVM SOLENNIVM  
VENATIO.

Satis iam profundo indulistis sopori  
SARMATICI PROCERES.

Venietia discrimina quiescendi veniam negant Venatoribus.

Heus concussis tympanis, somnum discutite!

Campus Poloniæ feris inscissus,

illarum importunitate, venandi opportunitatem importat.

Io! Io! turmatim progredere sagax turba.

Non



non multâ indagine opus,  
vbi cruenta vestigia immanes produnt belluas.

Eheu quanto sanguine Horizontem depinxit

Roxolanus Oriens!

Quanta ovilium ruina! quanta ovium strages!  
Non ferinæ tantum fami, sed feritati quoq; litatum,  
iacentia loquuntur cadavera.

Quam tamen ô Superi! bestiam dicam?

Lupulum. imô lupum.

Obducite retia: expedite molossos: arma educite: En est!

Fugitisne (ô pudor!) ante vulnera?  
Indignum facinus! nostra pusillanimitas bestias animat.  
Ut disiecta procubant retia! ut venabulis insultant!

Exuvias venatorum, suas faciunt induvias.

Lustris eductæ, illustribus in Palatijs lustrantur.

Ipsos venari audent, aventq; venatores.

Quin repetiti horribile classicum?

Canes iterum: retia iterum: arma iterum!

Nunc animis, nunc firmo opus pectore.

Ne deserite vestrum manipulares MANIPVLVM:  
auro amisso, fortius ferrum substitute.

Si dimicandum erit,

Sunt vobis CLYPEI, SOLEÆ, SARISSÆ, SAGITTÆ.

Si abdita excutienda,

LVNAS habetis, & SIDERA.

Lycantroporum incantamina vana, & ridenda,

CRVCES averruncabunt.

Hem vobis collectam belluarum colluviem!

Affilite, cœdite, capite, vincite, vincite: bene est.

Elapsas post quæremus, ni finibus dilabantur.

Io Pœan!

Sed Litvanus intonuit lituus: quid est?



Astutarum vulpecularum agmina explicuit.

## Borealis Hyæna :

atrox animal, & subdolum.

Imusne quæ rubens iter monstrat Vilia?

vel patentes in Russiæ campos evocabimus?

Favistis Superi: capta præda est. nec semel.

Verum Cudnoviensi in acie,

novum fortitudinis & Fortunæ Polonæ prodigium,

imbellibus tutius insidiaturas gallinis animantes,

à limitibus submovit.

Ecce autem interiori non visa Poloniæ fera

conantes rubas concutit: superne hirta, cætera succinctas

longâ cellurem caudâ verrens.

quantus rictus, ac rugitus!

quantæ dentium serræ!

## Leo est quis non timebit,

O fatum! iam marium & moenium claustra perfregit.

Majorem Poloniam maiore vi, quam metu percurrit:

Minorem maiore impetu aggressus, grassatur.

Etiame Craci Filia peiorem recipit Ritigerum?

( sed lapsus sum, Leonem dicere debui. )

Pro sancta fides! vbi Sacra, Vrbes, Tempa, Religio!

singularis ferus depastus est ea.

Claramontanâ tamen è specula signum prolatum,

Roxolanum Finnico, Leonem Leoni obiecit.

Post effractas grandes quidem, sed minùs firmas caveas,

Zamoscana claustra expavit.

Melioribus dein auspicijs redintegratur venatio:

comperto, bestiam cedere, & cædi.

Maritimum monstrû vincendi media,

Flumina & Naves primûm monstravêre:

donec illud nostris ruinis obruimus.

Reficite



Reficite parumper affectas vires, venatores:  
Immanem aprum Ottomanum video:  
Christiani Orbis laborem, ac labem:  
Non frum modò animal; sed foedum, ac foetidum.  
Arabicos primum odoris tetra spurcavit illuvie.  
Asiae candorem immundo accubitu infecit.  
Graecorum porticus & Prytanæa, horrendâ proboscide subruit.  
Vicinae Hungariae vineta, exterminavit.  
Avertite hanc à Poloniae polis pestem Superi!  
Sed iam Podoliae vallibus infusus,  
Taxeas quoq; moles suffodit,  
& ex Aris haras fecit.  
Iacienda semel alea est, ô Socij!  
Perijmus, si non pestem hanc perdidimus.  
*Satis superq; mali est, vicinam malum:*  
*compendium calamitatis, intimum.*  
*Ubi necessitatem nec inclinare fas est, nec declinare;*  
*omne in Te ipso praesidium.*  
Exoticis catellis ad voluptatem venationis utimur:  
Aper nisi nostris cadet venabulis; occisa res est.  
Iam prisca virtutis Polonae spelæa infedit:  
& quia nostra; noster est.  
Cecidit ad Chotimensem Marathonem, Meleagri felicioris virtute  
Calydonius Vastator.

Io victor! io Pœan! io triumphel  
Hæc ludicra, horrentes delicias,  
dignum Martijs Sarmatarum animis spectaculum,  
non otiosus spectator sed Actor auxisti.  
Magne PALATINE  
Sæpè ad discrimina primus: semper inter primos.  
Sariana Domus Tuæ venabula,  
Insignium ferarum cæde, sanguine, exuvijs, decorans.  
*Nullum certius alti sanguinis indicium est:*  
*quam dum Patriæ libatur.*



hunc qui afferendæ Fidei consecrat,  
F dei imò DEI consanguineum dixerò.  
Sed iam digniora succedunt spectacula.  
*Si modo dignius est; honores habere, quàm mereri.*

LVDORVM SOLENNIVM

A G O N.

Expectatos avidè, spectatosq; Romanis Circenses,  
non invidemus.

Præfixæ Venetæq; factiones,  
Cæsarum ad crudelitatem vsq; deliciæ,  
nihil aliud quam inanes sunt colores.  
Hastati Equicis sacratior cursus est  
Ad Gloriæ metam.

Apage Sinonios Lescorum dolos,  
indignos & non inultos!

Cataphractis noster, honores hostiliter nunq iam persecutus,  
tanquam domiticos, vitrò domum delatos, excepit.

Post immolatas tot Patriæ hostias,  
Leopoliensis Subdapifer.

Exhaustum Provincie penis, divite consilij peculio, supplevit.

Mox Castellanus,

Vt Orientalibus piratis, totum Patriæ portum clauderet,  
alterum eius Castellum,

Leopoli, Zamoscium adiecit.

Dignam proinde tanti corporis Motricem Intelligentiam,  
Vt primæ inferetur Hierarchiæ,

Primus Poloniæ Motor censuit.



Hinc summa Palatinatûs decora

minimè ambitiosus Palatij obfessor,  
facili celeriq; ascensu, comprehendit.

Non soli natus Marti MARTINVS  
bellicâ laude præeunte BRACLAVIENSES  
conscendit Curules.

Pietate, ac Prudentiâ succollantibus,

LVBLINENSE Iustitiæ Capitolium ingreditur.

Illam quæris? Zamoscanas Aras quærito.

perennem eius Pietatis arenam.

Hunc ad Lydium lapidem probata consilia,

DEI Patriæq; causam respiciunt:

ut suus Solem flos.

Nullam in vetustis mucronibus hæsisse ferruginem,  
oculatissimæ testimonium Maiestatis.

In adamantino hoc SCVTO,

verus cuilibet menti redditur color.

Hæc catena est, Sarmatice Hercules,

quæ tot plausus post Te attraxit.

Veneratur in Te Sacrum Tribunal,

sui Tuiq; Ordinatoris

angusta Magnæ mentis lineamenta.

Iustitiæ lancibus statio erit securior,

cùm Lanceis Tuis firmabuntur.

Civis Optimus, Civium affectus facilè adeptus es:  
quem ipsa humanitas, supra hominem commendat.

*Nulla fortior expugnandis affectibus catapulta.*


*Eò levior est affectata gravitas, quòd altius extollitur.*

*Omnis illi ex pondere commendatio,*

*quod in ima tendit.*

Nescio tamen an vberior Tibi gloriæ proventus,





ac ex Patrocinijs literarum.

*Cætera quæ ambimus, Fortuna debilitat: mortalitas delibat:  
diplomata Musarum æterna sunt.*

quibus melius Alexandri stant & Traiani,  
quàm potentiâ steterunt.

Hæc Tibi Vniversitas Tua, ex se polliceri non potest:  
ex Te non operosè auguratur.

Domûs Zamosciæ pupilla, Te plusquam Parentem nacta,  
pupillæ instar asservatur:  
sed sine supercilio.

Seqvimur ascendentem votis & vocibus.

Gratulatorum postremi, gratorû (pace dixerim) nemini secundi.

Fortunam Tibi apprecaremur,  
sed Fortunæ debes nihil.

eâ invitâ, meliore virtutum suffragio,  
Majorum amplitudinem exæqvâsti:

majoribus destinatus, quia par.

Hæc desiderijs Tuis meta esto,  
quàm longissimam homini Natura;  
hæc Famæ,

quàm perennem Virtuti Immortalitas

POSVIT.



*Ex Libris Samuelis & Joannis Döggelst.*



